

Ja Rahe Ho to Jao Braj Chhod Kar | by Shri Rammohan Ji Maharaj

Moh Mein Mathura Chal Diye Chhod Braj Gokul Ki Gali
Do Rath Ki Pahiya Ko Pakad Ke Radha Yun Kehne Lagi
Gar Main Aisa Jaanti Ki Preet Kiye Dukh Hoye
To Nagar Dhindhora Peetti Ki Preet Na Kariyo Koi

Ja Rahe Ho To Jao Braj Chhodkar Sabka Dil Tod Kar
Prem Brij Sa Kanhaiya Nahi Paoge Nahi Paoge
Ja Rahe Ho To Jao.....

Ye Latayen Kadamb Ki Ye Daaliyan
Tere Bachpan Ki Saathi Hai Sanwariya
Kunj Galiyan Kahani Teri Gaaye Rahi, Kanha Teri Gaaye Rahi
Aisi Galiyan Kanhaiya Nahi Paoge
Ja Rahe Ho To Jao.....

Leke Gwalo Ko Ghar Mein Aana Tera
Ghar Ke Chheenke Se Makhan Churana Tera
Swad Makhan Ka Jaisa Brij Mein Mila, Tujhko Brij Mein Mila
Swad Aisa Kanhaiya Nahi Paoge, Nahi Paoge
Ja Rahe Ho To Jao.....

Kitni Phodi Gagariya Panghat Pe
Cheer Kiske Bache Shyam Pyare Kaho
Tere Udhmo Ko Jisne Hans Ke Saha, Kanha Hans Ke Saha
Aise Premi Kanhaiya Nahi Paoge, Nahi Paoge
Ja Rahe Ho To Jao.....

Prem Karke Deewana Bana Ke Hamein
Chhod Jate Ho Kiske Sahare Kaho
Teri Murlī Ke Jaise Hum Deewane Hue
Aise Pagal Kanhaiya Nahi Paoge, Nahi Paoge
Ja Rahe Ho To Jao.....

<https://bhaktivandana.com/lyrics/%e0%a4%9c%e0%a4%be-%e0%a4%b0%e0%a4%b9%e0%a5%87-%e0%a4%b9%e0%a5%8b-%e0%a4%a4%e0%a5%8b-%e0%a4%9c%e0%a4%be%e0%a4%93-%e0%a4%ac%e0%a5%8d%e0%a4%b0%e0%a4%9c-%e0%a4%9b%e0%a5%8b%e0%a4%a1%e0%a4%bc-%e0%a4%95/>